

**Haltu  
barnaafmælið  
há okkur**

www.keiluhollin.is

**KEILUHÖLLIN**  
HEILL HEIMUR AF SKEMMTUN

Opið sunnud. - fimmtud. frá 11:00 - 24:00 og föstud. og laugard. frá kl 11:00 - 01:00

Pantanir í síma 511 5300 alla virka daga kl. 10:00 -15:00 eða á keiluhollin@keiluhollin.is

**Síðustu sýningar!**

**HAMSKIPTIN**



Miðasala | 551 1200 | leikhusid.is | midi.js

Þú færð Fréttablaðið á kostnaðarverði á 90 stöðum um land allt. Nánari upplýsingar á visir.is/dreifing



Allt sem þú þarft...

# Fegurð er vanmetið hugtak

„Ég er ekki safnhaugur, ég er ánamaðkur – garðyrkjustörf með málningu,“ er yfirskriftin á sýningu Magnúsar Helgasonar myndlistarmanns, sem verður opnuð í Hafnarhúsinu í dag. Magnús segir fegurðina vera sér hugleikna og finnst hún of sjaldan metin að verðleikum.

Myndir sem gleða augað og hitta áhorfandann í hjartastað eru Magnúsi Helgasyni myndlistarmanni að skapi. Verk hans mótast af röð tilviljana og eru færð í stíllinn til að ná fram réttu yfirbragði.

„Eitt af því sem ég hef komist að í gegnum tíðina er að þegar ég mála ómeðvitað verður útkoman yfirleitt betri,“ segir Magnús. „Það klístrast kannski eitthvað aftan á verkið eða slettist á það og það verður oft besta útkoman – það sem gerist óvart eða fyrir slysi.“

Magnús segist nálgast verk sín eins og hann ímyndar sér að garðyrkjumaður nálgist starf sitt. „Garðyrkjumaðurinn ákveður hvernig blómagarðurinn á að vera, hvaða blóm eiga að vera hvar, en hann skapar ekki blómin sjálf – náttúran sér um það. Þannig lít ég á verkin mín; ég ákveð kannski hvaða liti ég nota en leyfi náttúrunni að taka völdin, forma verkið, ráða útkomunni. Að því leyti má segja að þetta séu hreinræktaðar náttúrufrömyndir – hið handahófskennda sköpunarverk náttúrunnar er nefnilega ekkert svo handahófskennt.“

Magnús kveðst renna blint í



MAGNÚS HELGASON Lítur á verk sín sem verksummerki ferlis þar sem náttúran tekur völdin af listamanninum og formar útkomuna eftir sínum reglum. FRÉTTABLAÐIÐ/DANIEL

sjóinn þegar hann byrjar á verki og kallar myndir sínar verksummerki. „Ég mála eitthvað, skrapa það, mála yfir og þar fram eftir götunum. Verkið er það sem eftir stendur af því ferli; verksummerki eftir mig og efnin sem ég nota.“

Magnús hefur oft málað verk með samfélagslegri skírskotun, til dæmis á sýningunni Yfirdráp í Saltfélaginu 2008, sem beindi sjónum sínum að ofgnótt, yfir-

dreppskap og fleiri táknum þess tíma. Hann segir minna fara fyrir samfélagsrýninni í verkum sínum núorðið.

„Þessi sýning er innhverfari hugleiðing um fegurð, sem mér finnst vera vanmetið hugtak.“

Sunnudaginn 19. september spjallar Magnús við gesti í Hafnarhúsinu um verkin. Sýningin stendur yfir til 24. október.

bergsteinn@frettabladid.is

## Grallaralegt ævintýri fyrir stelpur og stráka



„Gaman!!!! Listamennirnir slá hvergi af kröfum sínum.“

EB, Fbl.



JVJ, DV

„Ein besta barnasýning síðasta árs... skemmtileg tónlist, fallett mál, smekklegr umgjörð og góður leikur.“

SG, Mbl.

Forsala aðgöngumiða hafin



GRÍMAN 2010 BARNASÝNING ÁRSINS

### Sýningadagar

|                  |           |
|------------------|-----------|
| Lau. 18/9 kl. 14 | örfá sæti |
| Sun. 19/9 kl. 14 | örfá sæti |
| Lau. 25/9 kl. 14 | örfá sæti |
| Sun. 26/9 kl. 14 | örfá sæti |
| Lau. 2/10 kl. 14 |           |
| Sun. 3/10 kl. 14 |           |



Borgarleikhúsið í samstarfi við GRAL

Miðasala | 568 8000 | borgarleikhus.is

### HVAD? HVENÆR? HVAR?

Fimmtudagur 09. september 2010

#### → Tónleikar

**20.00** Hörður Torfa heldur tónleika ásamt völdum gestum í kvöld. Tónleikarnir verða haldnir í Borgarleikhúsinu og húsið opnað kl. 19.30. Aðgangseyrir er 3.500 krónur.

**20.00** Styrktartónleikar verða haldnir í Reykjadal í Mosfellsdal í kvöld til styrktar Styrktarfélagi lamaðra og fatlaðra. Aðgangseyrir er 1.500 krónur og hefjast tónleikarnir kl. 20.00.

**21.00** Samstöðu og styrktartónleikar fyrir Gaza á vegum félagsins Ísland - Palestína verða á Sódómu Reykjavík í kvöld. Fram koma Sykur, Útidúr, Endless Dark og Orphic Oxta. Tónleikarnir hefjast kl. 21.00. Aðgangur ókeypis.

**21.30** Orri Harðar verður með útgáfutónleika í kvöld í tilefni af nýrri plötu sinni, Albúm. Tónleikarnir verða á Café Rosenberg, Klapparstíg 25 og hefjast kl. 21.30.

**21.30** Hljómsveitin Jón Jónsson heldur tónleika á skemmtistaðnum Risinu að Tryggvagötu (áður Glaumbar), í kvöld. Tónleikarnir hefjast kl. 21.30 og er miðaverð 1.000 krónur.

#### → Opnanir

**17.00** Í Listasafni Reykjavíkur verður opnuð sýningin Indian Highway - Skjálverk í indverskri samtímalist. Sýningin opnuð kl. 17.00. Sýningarstjóri er Hafþór Yngvason.

**17.00** Magnús Helgason opnar sýningu sína D17 í Listasafni Reykjavíkur í dag kl. 17.00. Sýningarstjóri er Yean Fee Quay.

#### → Uppistand

**21.00** Á Næsta Bar, Ingólfsstræti 1a, verða Gunnar Jónsson, Þórdís Nadia Semichat og Pálmi Freyr Hauksson með uppistand. Aðgangur er ókeypis og hefst uppistandið kl. 21.00.

#### → Fyrirlestur

**12.25** Kristján Ketill Stefánsson verður með fyrirlestur í Öskju í dag frá kl. 12.25-13.15. Fyrirlesturinn nefnist „Staðalímyndir og líðan kynjanna á unglingsstigi í tengslum við náms- og starfsval“.

Upplýsingar um viðburði sendist á hvar@frettabladid.is og einnig er hægt að skrá þá inni á visir.is.

## Kynntu þér rótsterkt og ilmandi leikar

Skoðuðu nýja Borgarleikhúsblaðið á **borgarleikhus.is** eða pantaðu eintak á **dreifing@posthusid.is**.

Skelltu þér á áskriftarkort!



Borgarleikhúsið

